



O reidans ä Volapükilöfans löfik!

PÖTÜ YELACEN

Yel lölik 2006 epasetikon so vifiko. Dü tim at muf obsik ai glofon, no so mödiko kol num volapükanas, äs kol mad e med.

Kuratiko tü del balid mula alik göliko da yan potipolan nomiko joikon nümi nulik gaseda. Ai binon fulik me nitedikos: konots, poedots dub vöds e magods pekölöl. Us geboy e plakoy püki verato bäldik ed anuik, geböfik e bevünetik.

Aldeliko nünöm sesedon penedis nitedik valasotik mödik dö dins atdelik. Säkoy, bespikoy, blöfäday, dakonsäloy, lölöfiko gebölo püki obsik.

Liomodo jenos-li valikos? No medü milag u magiv, godiks u feyiks. Padunos dub vob gretik e tim lunik – valikos gretikumadilo fa redakan gaseda, vivimastan resodasita.

Nu muf büüpo flotöl e vagöl dü yels po deadam dokana Arie de Jong labon fütüri e noganükami nulikis. Binobs Sog Bevünetik Volapüka, padugöl fa komitet. Padajonons oles Kadäm e zeil sogä su pads osököl. Too Sog no kanon jäfidön nen stüt slopanas: pabligols ad sedön cedis e tikamagotis olsikis lü gased e resodasit e ad levobön dub skils e zils olsik.

Benovipis sedom oles pro Nulayel e fütür jäfädik

Brian R. Bishop

Cifal Soga Bevünetik Volapüka

DALEBÜD CIFALA NÜM 1 YELA 2007, TÛ DEL BALID YANULA

Vätälölo,

- (a) das statuds lätik Volapükaneфа labons yelis plu ka veldegis;
- (ä) das, pos tÛp nefüma, danädü steifs cifo volapükana zilikün, Volapükamuf nu labon lifi nulik;
- (b) das ömikans no suemons gudiko disein adelik Volapükamufa;
- (c) das ob, cifal velid Volapükamufa, esevob spodiko lafi cifalas бүik

klülädos,

das zesüdos ad redakön statudis nulik lönedik pro fütür Volapükamufa.

Sekü kod at,

lonob me penäd at, ko baiced Kadäma, statudis sököl, kels plaädons nomemi бүik valik.

Brian R. Bishop

Cifal Volapükaneфа

STATUDS VOLAPÜKANEFA

Kapits

1.0 Volapükamuf	1.7 Funds	2.5 Käl püka
1.1 Nem	2.0 Zeils Soga	3.0 Calans Soga
1.2 Topät	2.1 Konsefam e	3.1 Cifal
1.3 Siämamäk	propagidam	3.2 Vicifal
1.4 Fünadät	2.2 Vestigam	3.3 Guvan
1.5 Yel Volapükamufa	2.3 Vobots nulik	3.4 Calans votik
1.6 Pük calöfik Soga	2.4 Geb püka	3.5 Slopans

Kapits

4.0.0	Kadām	5.0	Noganūkām Kadāma	6.0	Votūkams
4.1	Zeils Kadāma	5.1	Limanam lōpikūn		Statudas
4.1.1	Vobād zeilas	5.2	Num kadāmanas	6.1	Votūkams
4.1.2	Jaf vōdas	5.3	Būsid kadāma		zestūdik
4.1.3	Kleilūkām dotas	5.4	Sluds kadāma		
4.1.4	Zep dabūkotas	5.5	Kadāmans nekomik		
4.1.5	Limanastips Soga	5.6	Kadām būik		

I. VOLAPŪKAMUF**1.1 Nem**

Sog Bevūnetik Volapūka binon konlet utanas, kels lōukons namis ad nāmūkōn sevi okas e votikanas tefū pūk bevūnetik Volapūk fa hiel Johann Martin Schleyer e ma revids ela Arie de Jong.

1.2 Topāt

Topāt calōfik Soga binon ladet Cifala.

1.3 Siāmamāk

Sog e vobots onik pasevons dub siāmamāk, in zān kela binon talaglōp blāgik in mel vietik, ko liens stedik zānik; bal horitātik, votik penditik e liens fol bofaflanū liens stedik: fol pro lunets krugöl zū povs e fol pro videts krugöl zū zānod. Zū vol in tan silablōvik binons vōds blāgik tonatas mayudik, sus talaglōp: VOLAPŪK e dis talaglōp: MENEFE BAL PŪKI BAL. Val binon in lin sirkik blāgik.

1.4 Fūnadāt

Dāt fūna Soga Bevūnetik Volapūka binon dāt statuda at.

1.5 Yel Volapūkamufa

Vobayel binon kaledayel.

1.5 Yel Volapükamufa

Vobayel binon kaledayel.

1.6 Pük

Pük calöfik Soga binon Volapük.

1.7 Funds

Sog no dalabon fundis. Guvan begom lebonedis ad pelön frädis büka äsi seda gaseda e nunotas votik. Üf sog sludonöv ad primön dunotis, kels neodons moni, ozesüdos ad labön nemi dunotadilekana, mobis kleilik, täxeti, fonis monas pespelölis, e baiced Kadäma. Du e pos dunot somik, dunotadilekan osedon Kadäme alyeliko nunodi dö proged e mons. Üf mons alyelik ad atos valik binonsöv plu ka yurods kiltum, ozesüdos, das Kadäm nemon monikontrolani nelivätik.

II. ZEILS SOGA

2.1 Konsefam e propagidam

Sog steifülon ad konsefön e propagidön sevädi, paki e gebi Volapüka da vol lölik.

2.2 Vestigam

Sog vestigon vobotis e dunis pasetikis Volapükaneffa.

2.3 Vobots nulik

Sog kuradükon vobotis e dunis nulik in Volapük.

2.4 Geb püka

Sog gebon püki, lönedüköl oni pro needs timas nulik, as sam: medü jaf vödas nulik dub Kadäm Volapüka.

2.5 Käl püka

Ma vöds Cifala Johann Schmidt in pened privatik: „Vilobs kälön püki at leigoso äsä kälöy vöno-Grikänapüki u vöno-Saxadapüki.”

III. CALANS SOGA

3.1 Cifal

Cifal binon cif löpikün Soga. Dasumon libaviliko cali cifala e vobon lanäliko ad fümükön zeilis Soga. Dugon e pladulon mufi. Dispenon statudis e sludis Kadäma, diplomis xamäbas äsi bligis votik calöfik Soga. Dakipon baläti Volapüka e Volapükamufa. Dilekon Kadämi. Cifal kanon, ko baiced plunuma Kadäma, säcälön limani Kadäma. Votaflano, if kadämans cedons, das cifal no fölon bligis oka, plunum onas dalabons gitodi ad säcälön oni e ad dünükön fovani.

3.2 Vicifal

Pavälon fa Cifal ko baiced Kadäma; preparon oki ad plaädön Cifali, u nelaidüpiko u laidüpiko, ko slud baicedik Kadäma. Nogantikön kolkömas Volapükanefta e yufon Cifali in valem.

3.3 Guvan

Pavälon fa Cifal baicedü Kadäm. Kälön konömi Soga e dünön as sekretan e redakan gasesda calöfik Soga, papüböla dub meds bükik e leäktronik.

3.4 Calan votik

Calan nelaidüpi povälon ma slud Kadäma.

3.5 Slopans

Slopan binon men alik, kel vipon slopön zeilis Soga e panemön Volapükan.

CILS KÄPTENA GRANT (fa Jules Verne) (13)

So finikon lövegol love laustralari. Jinos, das reted Kaptena Grant peperon:
E! Prazanel fikodükrom, das nafey la Nula-Selešna su naf, kel nakon in pof.

„Kesumotos obis
fö zif Auckland
in Nula-Selešna!”

„Frados pounis
luldeg, ab te love-
nafam, e nos plu!”

2




Dü öble mäl matons

„Lovegivolö-d
obe stiram!”

„Is ob
bödob!”



Süpo jok abimon; föfanat
suseton su klifaref.
Bimon nemufik.



Matros jedoms öks jemke in bavalontic. At nime ebeltik kompos
ad besiden pladis välik. Tävars matros gödablibön.





IV. KADÄM

Kadäm dabinnon

- 4.1.1 Ad fovön zeilis Soga Bevünetik Volapüka;
- 4.1.2 Ad calöfiko jafön e dälädön vödis nulik, e kleilükon sinifis vödas nulädik, kels no nog dalabons leigafomis Volapükik;
- 4.1.3 Ad kleilükön pünis dotik tefü vöds e gramat Volapüka;
- 4.1.4. Ad zepön tidodemis, vödabukis e xamis Volapüka;
- 4.1.5. Ad sludön tefü stips limanama Soga, e, medü Guvan, ad glidön limanis nulik pötik.

V. NOGANÜKAM KADÄMA

- 5.1 Limanam löpikün Kadäma binädon me Cifal, Vicifal e Guvan.
- 5.2 Num kadämanas binon jöl. Utans, kels sevons Volapüki, e kels edabükons literati tefik, kanons pakomandön as kadämans baicedü Cifal.
- 5.3 Büsid Kadäma podunon u medü pot kösömik, u medü pot leäktronik.
- 5.4 Sluds Kadäma popübons fa Guvan dub med u meds ya pemäniotöls (bagaf 3.3 löpo).
- 5.5 If kadämans no komons u spodiko, u pösodiko, u vögo, sluds pomekons fa slopans komöl.
- 5.6 Kadäm dabinnik Volapüka fovon Kadämi, kel pebestidon pötti Dalebüd Cifala (Diläd III) dätü 1934, tü del balid yanula.

VI. VOTÜKAM STATUDAS

- 6.1 Votükam mögädo zesüdiks statudas at polonülons me dalebüd fa Cifal baicedü Kadäm Volapüka.

NUNED

Kodü def spada in gased atmulik, finots lartügas „Sit Bevünetik Nulik” e „Zeil Lifa” opubons su pads gaseda okömöl.

Redakan danom ladöfiküno utanis, kels esedons ome lebonedis nulik. Spelom, das ojuitols yelodi nog bali gaseda obas.

NILIKAM LŬ EL AL-MU'TASIM (FINOT)

(fa hiel Jorge Luís Borges)

Dönureidob vödis löpik e dredob, das no saidiko äbespikob tugis buka. Dabinons fomäds vemo kuliviks: samo, dikod semik kapita degzülid, pö kel kanoy büosenälön, das binom flen ela Al-Mu'tasim kompenan semik, kel no begespikom sofistotis votikana „ad no gidetön yöbölo.”

Klülös, das binos stimik, ven buk nutimik dekömon de buk votik vönädik; ibä plitos neke (äsä äsagom hiel Johnson) ad debön bosi timakompenikanes okik. Püns kobädik ela „Ulysses” hiela Joyce ko el „Odyssea” hiela Homer laidilons – neai osuemob kikodo – stunidi bluvik krütanefa; püns kobädik lekonedä ela Bahadur ko „Spikot Bödas” pastümöl fa hiel Farid ud-din Attar seivons plodi no läs klänöfik el London, e id elas Alahabad e Calcutta. Leigods votik no defons. Vestigan semik ya enumädöm sümis semik kapita balid lekonedä ko konot hiela Kipling „Su Mön Zifa,” el Bahadur siom onis, ab lesagom, das äbinosöv vo nenomik if bepenams tel neita degid ela „muharram” no kobojenons . . . El Eliot, gidikumo, mebom kanitis veldeg lalegora nelölöfik „Jireg Feyik,” in kels no igo balna pubof jiherod, jiel ‘Gloriana’ – vio äktüpeton krüt hiela Richard William Church (Spenser, 1879). Ob, mükiko, mäniotob foani fagik, ab mögiki: kabaalani di Hierusalem, hiel Isaac Luria, kel ün tumyel XVI-id ästetom, das lan büikana u mastana kanon nügolön ini lan neläbikana ad trodön u tidön omi. Panemon „Ibbür” söt at dönukopama. (1)

• • • • •

(1) In lartüg at, ämäniotob eli „Mantiq al-Tayr” (Spikot Bödas) fa hiel Farid al-Din Abu Talib Muhammad ben Ibrahim Attar, müsteran Persänik, keli ädeidoms soldats hiela Tule, sona hiela Zingis Jan, ven el Nishapur päberavon. Ba no binos nefrutik ad naböfodönuön poedoti at:

Reg fagik bōdas, el Simurg, leadom falōn in zānod Tsyināna plūmi magifik; bōds sludons ad sukōn omi, feniks me naargid vōnādik oksik. Sevons, das nem rega onsik sinifon: „bōds kildeg;” sevons, das kased omik topon in eled Kaf, bel sirkafomik, kel zūon tali. Lovesumons ventūri ti nenfinik; travārōns melis vel, u fālidis vel; nem lātika binon: „Nosūkam,” ut fo on binon: „Suid.” Pilgrimaḡs mōdik dāsperons; votikafs pāridikōns. Kildegafs, pāklinūkōls dub vobods at, bestepons eledi Kaf. Fino lūlogons oni; tāno suemons, das binons el Simurg, e das el Simurg binom alaf onas ā valikafs. (I hiel Plotinus-Eneodas, V 8, 4 – stetom stāānūkami tacedik prinsipa dientifa: Valikos, in sil suemovik, topon valōpo. Din alseimik binon dins valik. Sol binon stels valik, e stel alik binon stels valik ā sol. El „Mantiq al-Tayr” (Spikot Bōdas) ya petraduton ini Fransānapūk fa hiel Garcin de Tassy; ini Linglānapūk fa hiel Edward FitzGerald; pro noet at, ākonsultob toumi degid ela „Neits Mil Bal” petradutōl fa hiel Burton, āsi lebuki: „Mūsterans Persānik”; Attar (1932) fa jiel Margaret Smith.

(2) Pūns kobādik poedota at ko lekoned ela Mir Bahadur Ali no binons tumōdiks. In kapit teldegid, vōds semik ele Al-Mu’tasim fa bukiselan Persānik pāgivulōls binons, mōgiko, flāk votikas, kelis ipronom herod it; jenot at e votiks sūmiks kanons sinifōn dientifi sōkōlana ko pasōkōlan; kanons i sinifōn, das atan flunom etani. Kapit votik koedon tikōn, das el Al-Mu’tasim binom hindutan fa studan pideidōl pō prim lekonedā.

(Tradutod fa S. Meira)

• • • • •

VÖDS NEKÖSÖMIK

BLÖFÄDÖN	to argue, argumenter, argumentieren, argüir
BÜÖSENÖN	to sense, sentir, fühlen, presentir
DISFLUDIL	undercurrent, Unterströmung, courant sous-jacent, contracorriente
DUFALÖN (AD)	(to) fail (to), manquer (de), fehlen, dejar (de)
KROPIKO	crouched, accroupi, niedergeduckt, en cuclillas
LENSEIDOT	premonition, Vorahnung, premonicion
LIBOTIKAN	free-thinker, libre penseur, Freidenker, librepensador

NULÄD
SAF

novelty, nouveauté, Neuheit, novedad
hoof, sabot, Huf, pata



GEDIKAFÜL

Konotül Kritidik pro Cils
fa hiel John Redgwell

Ibino flortüp lunik hitik. Dü flortüp at vefapapagils mödik pämotons in bödöp gretik in gad domila kö lödom Söl Smit, man bäldik, kel löfom bödis e bridom vefapapagilis pro mens vilaga, kels i löfons bödis e vilons givön lomi gudik vefapapagiles.

Bevü böds in bödöp äbinon vefapapagil smalik gedik, kel Söl Smit änemom „Gedikafül.“ Äbinon bödüf flenöfik, ab pidabiko nek ävilon oni as flentül patik.

Ven mens äkömons lü bödöp ad välön bödi, alna ävälons blövikafi, grünikafi u vietikafi. Äjinos, das nek ävilon dalabön bödi gedik, toä äbinon bödüf jönik flenöfik.

Ün novul man e vom äkömons lü bödöp ko hipul, labü yels jöl. Äsagons mane bäldik: „Hipul obsik löfom bödis. Nutüdom ai bödis gada dü nifüp. Vilom verno dalabön vefapapagili lönik.“ Hipul äsmililom.

„Bödüf gedik at binon verno flenöfik, ägespikom man bäldik, röbölo balibi oka.

Man e vom änutons, e vom äsagof: „Binon bödüf jönik!“ Ye hipul äjäfikom me lüloged vefapapagili blövik. „Vilob atafi!“ ävokädom.

Gedikafül äsenon glümüli. Äkredon, das atna ögolon lü lom gudik ed övedon flentül patik eka.

Äbinos dekul. Se böds yunik, kels pimotons in bödöp dü florüp pasetik, äblebon te bal. Ataf äbinon Gedikafül. Stom äbinon koldik, e Gedikafül äbinon in dil bödöpa petegöl ko böds bäldikum, kels äledutons lü Söl Smit.

„Nek vilon labön obi as flentül oka,” äyälön Gedikafül neläbiko.

Änifos. Spärs äseadons in buids densitükölo plümerni oksik ad dakipön vami in koaps oksik. Seil äreigon valöpo. Futaretöds soalik in nif äbinons uts penediblinana. Tāno Gedikafül älilon tonodi votik futastepas in nif. Spärs äflitons se buid pesüpädölo, falükölo nifi de bleds.

Man bäldik labü balib vietik, lunikum ka ut Söla Smit, ägolom lü yan domila ed äflapom su on. Söl Smit ämaifükom yarı ed äprimom ad spikön ome.

„Gödi gudik ole, o söli” äsagom man labü balib lunik vietik. „Lödob in Lapän, soalik. Neodob flentüli. Logob, das dalabol vefapapagilis, kels neodons lomni gudik. Dalob-li remön bali onas?”

„Binöl läbik” ägespikom Söl Smit. „Plä böds bäldikum, kelis dakipob ad bridön, blebon böd te bal - binon gedik.”

Man bäldik äsmililom. „Gudöl” ävokädom. „Ged binon köl bödas butükik oba.”

Gedikafül no äkanon kredön utosi, kelosi ililon. Man bäldik älabom logodi flenöfik, e ven äsmilom, äsagom: „Ho, ho, ho!”

„Gödi gudik, o flentül!” Ekörmob ad dugön oli lü lom gudik, kö ai obinol läbik. De timül at binöl flentül patik oba,” äsagom man bäldik.

Söl Smit äpladom Gedikafülü ini cek jönik gretik, e man bäldik labü balib vietik, äpladom ceki kälöfikö ini slifavab oka.

„Dugob oli lomio, dat okanol primön lifi lunik läbik lä ob in län jönik püdik,” äsagom smililölo. Gedikafül äyälön fredo.

Sevol-li, kim äbinom-li man at?